

## XVIII

Lo ptét prïnce traivoiché l' déjèrt èt ne trové qu' ènne çhoué. Ènne çhoué è trâs pétâs, ènne çhoué de ran di tot...

- Bondjoué, dié lo ptét prïnce.
- Bondjoué, dié lai çhoué.
- Laivoù sont les hannes ? dmaindé pôyiment lo ptét prïnce.

Lai çhoué, ïn djoué, aivait vu péssaie ènne rotte de dgens :

- Les hannes ? Èl en éjichte, i crais, ché ou bïn sèpt. I les aî vu è y' é des années. Mains an n' sait djmais laivoù les trovaie. L' oûr (*vent*) les promeune. Ès mainquant de raiceinnes, çoli les déraindge brâment.

- Aidue, fsé lo ptét prïnce.
- Aidue, dié lai çhoué.